



অবিলম্বে প্রকাশের উদ্দেশ্যে: 9/2/2020

গভর্নর অ্যান্ড্রু এম. কুওমো

গভর্নর কুওমো COVID-19 মহামারীর মধ্যে খাদ্য নিরাপত্তাহীনতা মোকাবেলায় হ্যালোফ্রেশের সাথে নিউ ইয়র্ক স্টেটের অংশীদারিত্ব বাড়ানোর ঘোষণা দিয়েছেন

স্টেট ডিভিশন অফ ভেটেরানস সার্ভিসেস-এর প্রকল্প COVID-19 এর কারণে বিরূপ পরিস্থিতির মুখোমুখি ভেটেরান, সামরিক পরিবার এবং অন্যান্য নিউ ইয়র্কবাসীদের মধ্যে খাদ্য নিরাপত্তাহীনতা মোকাবেলার উপর মনোযোগ প্রদান করে

প্রকল্পটি গভর্নর কুওমোর সফল নারিশ নিউ ইয়র্ক উদ্যোগের উপর নির্মিত এবং বছরের শেষ নাগাদ 200,000 খাবার সরবরাহ করবে

গভর্নর অ্যান্ড্রু এম. কুওমো আজ ঘোষণা করেছেন যে নিউ ইয়র্ক স্টেট ডিভিশন অফ ভেটেরানস সার্ভিসেস COVID-19 মহামারীর মধ্যে খাদ্য নিরাপত্তাহীনতা মোকাবেলায় বিশ্বের নেতৃস্থানীয় খাবার কিট ডেলিভারি কোম্পানি হ্যালোফ্রেশের সাথে অংশীদারিত্ব বাড়াবে। হ্যালোফ্রেশ নিউ ইয়র্ক শহরের ভেটেরান, সামরিক পরিবার এবং অন্যান্য বাসিন্দাদের 200,000 তাজা খাবার সরবরাহ করবে যারা COVID-19 সংকটের ফলে খাদ্য নিরাপত্তাহীনতায় ভুগছে। এই অভূতপূর্ব সময়ে খাদ্য নিরাপত্তাহীনতা কমাতে এবং খাদ্য উৎপাদকদের সমর্থন করার জন্য সফল নারিশ নিউ ইয়র্ক উদ্যোগের উপর ভিত্তি করে এই কর্মসূচি তৈরি করা হয়েছে যা একটি বহু-এজেন্সি প্রচেষ্টা।

হ্যালোফ্রেশ এবং নিউ ইয়র্ক স্টেট ডিভিশন অফ ভেটেরানস সার্ভিসেস জুন মাসে একটি প্রাথমিক পাইলট প্রকল্প শুরু করে, যা নিউ ইয়র্ক শহরের পরিবারগুলোকে আজ পর্যন্ত 65,000 খাবার প্রদান করে।

"এই মহামারী নিউ ইয়র্ক এবং সারা দেশ জুড়ে খাদ্য নিরাপত্তাহীনতাকে বৃদ্ধি করেছে এবং এটা আমাদের মধ্যে সবচেয়ে অসুরক্ষিত জনগোষ্ঠীএর ভার বহন করে," **গভর্নর কুওমো বলেছেন।** "আমি গর্বিত যে নিউ ইয়র্কের মহান কোম্পানিগুলো যেন কোন পরিবার ক্ষুধার্ত না হয় তা নিশ্চিত করতে পদক্ষেপ নিচ্ছে এবং নিউ ইয়র্কবাসীদের পক্ষ থেকে- হ্যালোফ্রেশকে ধন্যবাদ এই জটিল মিশনের প্রতি তাদের নির্ভা এবং প্রচেষ্টার জন্য।"

হ্যালোফ্রেশ এর প্রধান নির্বাহী কর্মকর্তা উভে ভাস বলেন, "হ্যালোফ্রেশ-এ, আমরা বিশ্বাস করি যে প্রত্যেকের তাজা, স্বাস্থ্যকর খাবার এবং প্রিয়জনদের সাথে বাড়িতে রান্না করা খাবার শেয়ার করার ক্ষমতা থাকা উচিত। মহামারীর সময় কষ্টের সম্মুখীন ভেটেরান এবং নিউ ইয়র্কবাসীদের পুষ্টির খাবারের কিট সরবরাহ করে গভর্নর কুওমোর প্রচেষ্টাকে সমর্থন করতে পেরে আমরা অত্যন্ত গর্বিত।"

প্রতি সপ্তাহে, ব্ল্যাক ভেটেরানস ফর সোশ্যাল জাস্টিস এবং দ্য ক্যাম্পেইন এগেইনস্ট হাঙ্গার (The Campaign Against Hunger, TCAH) এর স্বেচ্ছাসেবীরা হ্যালোফ্রেশ খাবার কিট একত্রিত এবং প্যাকেটজাত করে যাতে তাজা, উচ্চ মানের উপাদান, রেসিপি কার্ড এবং ফলের ব্যাগ থাকে - বিনামূল্যে - ভেটেরান, সার্ভিস সদস্য এবং তাদের পরিবার এবং অন্যান্য নিউ ইয়র্কবাসীদের জন্য যারা COVID-19 এর বিরূপ প্রভাবের শিকার হয়েছেন। খাবার কিটগুলো TCAH-এর ব্রুকলিন সদর দপ্তরে ভর্তি করা হয় এবং নিউ ইয়র্ক সিটি (NYC) ডিপার্টমেন্ট অফ ভেটেরানস অ্যাফেয়ার্স-এর সাহায্যে নিউ ইয়র্ক শহরের ব্যক্তিদের মধ্যে বিতরণ করা হয়, যারা বর্তমানে তাদের টেবিলে স্বাস্থ্যকর, পুষ্টির খাবার রাখার জন্য সংগ্রাম করছে।

প্রাথমিক পাইলট প্রকল্পের সাফল্যের পর, হ্যালোফ্রেশ এবং স্টেট অফ নিউ ইয়র্ক ব্রুকলিনে এই কর্মসূচী সম্প্রসারিত করবে, যা আগামী চার মাসে ভেটেরান এবং খাদ্য নিরাপত্তাহীনতায় ভোগা পরিবারগুলোকে অতিরিক্ত 150,000 খাবার সরবরাহ করবে।

ভেটেরান, সার্ভিস সদস্য এবং তাদের পরিবারের মধ্যে খাদ্য নিরাপত্তাহীনতা বেশি। মার্কিন যুক্তরাষ্ট্রের ডিপার্টমেন্ট অফ ভেটেরানস অ্যাফেয়ার্স রিপোর্ট করেছে যে ইরাক এবং আফগানিস্তানের যুদ্ধে কর্মরত ভেটেরানরা সাধারণ জনসংখ্যার তুলনায় দ্বিগুণ খাদ্য নিরাপত্তাহীনতায় ভুগছেন, এবং 2018 সালের এক গবেষণায় দেখা গেছে যে মার্কিন যুক্তরাষ্ট্রের 15 লক্ষ ভেটেরান নাগরিক এমন এক পরিবারে বাস করে যা তাদের খাদ্য গ্রহণকে সম্পূর্ণ করতে সম্পূর্ণ পুষ্টি সহায়তা কর্মসূচি (Supplemental Nutrition Assistance Program, SNAP) এর উপর পুরোপুরি নির্ভর করে। শুধুমাত্র নিউ ইয়র্ক স্টেটে, সেন্টার অন বাজেট অ্যান্ড পলিসি

প্রায়োরিটিজ অনুসারে, 59,000 ভেটেরান ব্যক্তি নিজেদের এবং তাদের পরিবারকে খাওয়ানোর জন্য SNAP বেনিফিটের উপর নির্ভর করে- একটি সংখ্যা যা COVID-19 এর বিরূপ প্রভাবের কারণে আরো খারাপ হয়েছে।

নিউ ইয়র্ক স্টেট ডিভিশন অব ভেটেরান্স সার্ভিসেস-এর নির্বাহী উপ-পরিচালক জোয়েল এভান্স

বলেন, "কোন ভেটেরানের নিজেদের বা তাদের পরিবারের সদস্যদের জন্য খাদ্যের অভাবের সম্মুখীন হওয়া উচিত নয়। দুর্ভাগ্যবশত, COVID-19 দ্বারা আরোপিত চিকিৎসা এবং আর্থিক চ্যালেঞ্জ আমাদের রাজ্যের অনেক নায়ক এবং তাদের পরিবারকে এই বিপজ্জনক অবস্থানে রেখেছে। এই গুরুত্বপূর্ণ বিষয়টি মোকাবেলা করার জন্য সম্পদ উৎসর্গ করার জন্য আমরা গভর্নর কুওমো এবং হ্যালোফ্রেশের প্রশংসা করছি এবং এই প্রয়োজনীয় প্রচেষ্টায় সাহায্য করার জন্য স্বেচ্ছাসেবক হিসেবে কাজ করা সকল ভেটেরান এবং ভেটেরানদের সমর্থকদের প্রতি আমাদের পরম ধন্যবাদ জানাই।"

দ্য ক্যাম্পেইন এগেইনস্ট হাঙ্গার এর নির্বাহী পরিচালক এবং প্রতিষ্ঠাতা ডঃ মেলোনি স্যামুয়েলস বলেন, "দ্য ক্যাম্পেইন এগেইনস্ট হাঙ্গার COVID-19 এর কারণে খাদ্য নিরাপত্তাহীনতায় নিমজ্জিত ভেটেরানদের সমর্থনে হ্যালোফ্রেশের সাথে অংশীদার হতে পেরে উত্তেজিত। ভেটেরানরা নিঃস্বার্থভাবে আমাদের দেশের সেবা করেছে, এবং আমাদের এখন নিশ্চিত করতে হবে যে তাদের চাহিদা পূরণ করা হচ্ছে এবং তা যেন যেকোন ত্রাণ প্রচেষ্টার কেন্দ্রে থাকে। একসাথে, আমরা নিশ্চিত করছি যে আমাদের শহর এবং দেশের এই অনিশ্চিত সময়ে ভেটেরানরা যাতে পুষ্টির খাবার পায়। আমাদের ভেটেরানদের বেঁচে থাকা এবং সমৃদ্ধ করার জন্য এই উদ্যোগ নেওয়ার জন্য আমি হ্যালো ফ্রেশের প্রশংসা করছি।"

ব্ল্যাক ভেটেরানস ফর সোশ্যাল জাস্টিস এর প্রধান নির্বাহী কর্মকর্তা ওয়েন্ডি ম্যাকক্লিনটন বলেন, "ভেটেরান, তাদের পরিবার এবং সম্প্রদায়ের মঙ্গলের জন্য সবকিছু করা হচ্ছে! সামনে সব সময়, পেছনে, কখনো না।"

###

অতিরিক্ত তথ্য পেতে দেখুন www.governor.ny.gov
নিউইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)